

Broj: 11-07-14-29194.1
Sarajevo, 03.10.2017. godine

JAVNIM USTANOVAMA:
JU „DJECA SARAJEVA“
OSNOVNIM ŠKOLAMA
SREDNJIM ŠKOLAMA
UNIVERZITET U SARAJEVU (visokoškolskim ustanovama i
naučnim institutima)
JU STUDENTSKI CENTAR SARAJEVO

PREDMET: Uredba o načinu ostvarivanja prava na naknadu za prijevoz – dostavlja se

U prilogu vam dostavljamo Uredbu o načinu ostvarivanja prava na naknadu za prijevoz na posao i sa posla uposlenika u javnim institucijama, javnim ustanovama, fondovima i preduzećima čiji je osnivač i suosnivač Kanton Sarajevo, broj 02-05-29194-2/17, a koju je donijela Vlada Kantona Sarajevo na 93. vanrednoj sjednici održanoj 29.09.2017. godine.


Napominjemo da Uredba stupa na snagu danom donošenja, a biće objavljena u „Službenim novinama Kantona Sarajevo“

S poštovanjem,

MINISTAR:

Prof. dr. Elvir Kazazović





Broj: 02-05-29194-2/17
Sarajevo, 29.09.2017. godine

Na osnovu člana 26. i 28. stav 1. Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 - Ispravka), člana 14. stav (2) i 16. stav (3) Zakona o komunalnim djelatnostima ("Službene novine Kantona Sarajevo", br. 14/16, 43/16, 10/17 i 19/17), Vlada Kantona Sarajevo na 93. vanrednoj sjednici održanoj 29.09.2017. godine, donijela je

U R E D B U

o načinu ostvarivanja prava na naknadu za prijevoz na posao i sa posla uposlenika u javnim institucijama, javnim ustanovama, fondovima i preduzećima čiji je osnivač i suosnivač Kanton Sarajevo

POGLAVLJE I - OPĆE ODREDBE

Član 1.

Ovom uredbom utvrđuje se način ostvarivanja prava na naknadu za prijevoz na posao i sa posla uposlenika u svim javnim institucijama, javnim ustanovama, fondovima i preduzećima čiji je osnivač i suosnivač Kanton Sarajevo (u daljem tekstu: Kanton).

POGLAVLJE II - NAČIN OSTVARIVANJA PRAVA NA NAKNADU

Član 2.

(1) Uposleniku iz člana 1. ove uredbe kojem nije organizovan prijevoz na posao i sa posla, a čije je mjesto stanovanja udaljeno od mjesta rada najmanje dva kilometra, najdalje u granicama Kantona, pripada pravo na naknadu za prijevoz na posao i sa posla.

(2) Naknada iz člana 1. ove uredbe pripada i uposleniku iz člana 1. ove uredbe koji ima prebivalište van granica Kantona, ukoliko dolazi na posao na područje Kantona, a nema organizovan prijevoz na posao i sa posla i čije mjesto stanovanja je udaljeno od mjesta rada najmanje dva kolimetra.

(3) Licu iz stava (2) ovog člana pripada pravo na naknadu za prijevoz na posao i sa posla samo u granicama Kantona.

Član 3.

(1) Pravo iz člana 2. ove uredbe ostvaruje se isključivo kupovinom mjesečnih kupona ili godišnjih karata za prijevoz kod javnog prijevoznika, za svaki mjesec, osim za mjesec u kojem uposlenik koristi prvi dio godišnjeg odmora.

(2) Radi ostvarivanja prava na kartu za prijevoz, lica iz člana 2. ove uredbe dužna su poslodavcu dostaviti dokaz o prebivalištu (prijavnica CIPS-a).

POGLAVLJE III- INSPEKCIJSKI NADZOR

Član 4.

Poslove inspeksijskog nadzora nad primjenom ove uredbe obavljat će Kantonalna uprava za inspeksijske poslove - Inspekcija rada.

POGLAVLJE IV-KAZNENE ODREDBE

Član 5.

(1) Novčanom kaznom od 500,00 KM do 3.000,00 KM kaznit će se pravno lice za prekršaj ako postupi suprotno odredbama iz člana 3. ove uredbe, a u ponovljenom prekršaju novčanom kaznom od 5.000,00 KM do 10.000, 00 KM.

(2) Novčanom kaznom od 100,00 KM do 1.000,00 KM kaznit će se odgovorno lice u pravnom licu za prekršaj ako postupi suprotno odredbama iz člana 3. ove uredbe, a u ponovljenom prekršaju novčanom kaznom od 1.500,00 KM do 2.000, 00 KM.

POGLAVLJE V- PRELAZNE I ZAVRŠNE ODREDBE

Član 6.

Gramatička terminologija korištenja muškog ili ženskog pola podrazumjeva uključivanje oba pola.

Član 7.

Ova Uredba stupa na snagu danom donošenja i objaviće se u "Službenim novinama Kantona Sarajevo".



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstva (x 12)
4. Službe Kantona Sarajevo (x 9)
5. Zavodi (x 5)
6. Uprave (x 2)
7. Fondovi (x 4)
8. Kantonalna agencija za privatizaciju
9. Svim javnim ustanovama Kantona Sarajevo 4 x (putem Ministarstva za obrazovanje, nauku i mlade, Ministarstva zdravstva, Ministarstva za rad, socijalnu politiku, raseljena lica i izbjeglice i Ministarstva kulture i sporta)
10. Svim javnim preduzećima Kantona Sarajevo 4 x (putem Ministarstva saobraćaja, Ministarstva komunalne privrede i infrastrukture, Ministarstva pravde i uprave i Ministarstva privrede)
11. Za objavu u „Službenim novinama Kantona Sarajevo“
12. Evidencija
13. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

